

S T A T U T

I SHOQËRISË ME PËRGJEGJËSI TË KUFIZUAR
“E.S.I. ECO SERVICE INTERNATIONAL” SH. P. K.

Ne , ortakët themelues :

1. Z.Alfons UKA ,i biri i Dedës ,shtetas shqiptar lindur në Fierzë më 06.08.1965 dhe banues në Tiranë , rruga Irfan Tomini, pallati 22/1, me kartë identiteti 034308079,
2. Z.Giovanni MINUTIELLO ,i biri i Felice Antonio ,shtetas italian lindur ne Venosa (Potenza) Itali më 18.12.1968 dhe banues në Via XX settembre 5, 85029 Venosa, Potenza , Itali , me pasaportë italiane Y A 4284291 ,
3. Z.Mem SENA , i biri i Ismetit ,shtetas shqiptar lindur në Fushë Krujë më 18.01.19997 dhe banues në Arameras, Fushë Krujë , me kartë identiteti BJ 3193703 ,

Deklarojmë se kemi themeluar me datë 29.06.2020 shoqërinë me përgjegjësi të Kufizuar “E.S.I. ECO SERVICE INTERNATIONAL” shpk

-NENI 1-

Shoqëria “E.S.I. ECO SERVICE INTERNATIONAL” Sh.P.K. vepron ne bazë të legjislacionit shqiptar. Shoqëria është person juridik shqiptar dhe në bazë të Ligjit 9901 datë 14.14.2008 “Për Tregëtaret dhe shoqëritë tregëtare” si dhe Ligjit 9723 date 3.5.2007 “Për Qendrën Kombëtare të Regjistrimit” i gjëzon të drejtat e personit juridik nga momenti i regjistrimit në Qendrën Kombëtare Të Biznesit Tiranë si shoqëri me përgjegjësi të kufizuar. Administratorët kanë të drejtë të hapin zyra, filiale ose përfaqësi në çdo moment në të gjithë territorin shqiptar si dhe jashtë tij.

- NENI 2 -

Vendi i veprimtarisë së Shoqërisë do të jetë në rrugën Bajram TUSHA ,lagja 14, Shkozet, Zona kadastrale 8516, nr pasurise 6318 Durrës.

- NENI 3 -

Objekti i shoqërisë konsiston në aktivitetin :
Shërbim ndërkombëtar ekologjik, këshillim në aktivitetet ekologjike.

Import eksport mallrash dhe materialesh për industrinë kimike , të materialeve të ndërtimit, të industrisë mekanike,

Importim, grumbullim, depozitim, përpunim , riciklim të mbeturinave të çfarëdolloj materiali të lejuara për tu importuar në territorin shqiptar,

Mbrojtje mjedisore, konsulencë, strategji, riciklim.

Ndërtim linjash industriale për përpunim dhe riciklim mbetjesh, ngritje landfillesh, likujdim ndotjesh organike dhe hidrokarbure.

Importim makinerish dhe pjesësh këmbimi që kanë lidhje me impiantet industriale të përpunimit të mbetjeve.

Transport ndërkontrollor mallrash.

Shoqëria ka të drejtë të bashkëpunojë me qëllim fitimi me persona juridik e fizik të çfarëdo lloj tipi dhe sido që të jenë krijuar ato.

Si dhe të ushtroj çdo lloj aktiviteti tjetër financiar, tregtare, industrial, ndërtimi , Import Eksporti etj... që do të shihen në interes të realizimit të objektit social të saj.

Shoqëria gjithashtu ka të drejtë të japi hua, financime për të tretë, për shoqeri që lidhen me të ose që kontrollohen nga ortakët.

Mundet gjithashtu të marri ndihma ose financime nga çfarëdo enti publik ose privat, shqiptar ose i huaj, nga institute bankare ose nga shoqëri që lidhen me të ose kontrollohen nga ortakët.

-NENI 4-

Kohëzgjatja e shoqërisë caktohet deri më 20 vjet . Ky afat mund të zgjatet ose shkurtohet me vendim të asamblesë së ortakëve, me shumicë votash siç kërkohet për ndryshimin e statutit.

-NENI 5-

Ortakët janë të lirë të marrin pjesë në shoqëri si ortakë të vetëm ose me ortakëri si dhe të krijojnë shoqëri me objekt të njëjtë ose të ngjashëm me shoqërinë.

-NENI 6-

Kapitali themeltar i shoqërisë është 100.000 (njëqind mijë) lek i ndarë në 3 pjesë.

Ortakët marrin pjesë në kapitalin social si më poshtë:

1. Z.Alfons UKA 1 pjesë me vlerë 33.000 lekë ose 33% të kapitalit
2. Z. Giovanni MINUTIELLO 1 pjesë me vlerë 33.000 lekë ose 33% të kapitalit.
3. Z.Mem SENA 1 pjesë me vlerë 34.000 lekë ose 34% të kapitalit.



-NENI 7-

Pjesët janë lirisht të transferueshme ndërmjet ortakëve. Asnjëri prej ortakëve nuk mund të transferojë ose të shesi pjesët, personave të tretë ose jashtë shoqërisë, përpara se t'ia ofrojë këto ortakëve të tjerë, të cilët gjëzojnë të drejtën e blerjes në proporcion me kuotat që disponojnë. Ortaku shitës duhet të informojë ortakët e tjerë për vendimin e tij, me anë të letrës rekomande duke sqaruar të gjitha detajet e transaksionit të projektuar, duke shënuar emrin e blerësit, çmimin e shitjes dhe kushtet e pagesës.

Nëse e drejta e parablerjes nuk ekzekutohet brenda 30 (tridhjetë) ditëve nga data e marrjes së njoftimit, ortaku shitës ka të drejtë të shesi pjesët e tij kujdo personi, me kusht që çmimi i shitjes të mos jetë me i ulët se ai i propozuar ortakëve dhe as me vlerën reale .

Pjesët janë lirisht të transferueshme tek trashëgimtarët direkt, pa asnjë pengesë dhe pa qenë nevoja e miratimit të ortakëve të tjerë.

NENI 8

Organet drejtuese të shoqërisë janë :

- a) Asambleja e ortakëve.
- b) Administratorët

Asambleja e ortakëve do të emërojë një ose më shumë Ekspert Kontabël të Rregjistruar sipas kërkesave të nenit 81 te ligjit 9901/2008.

Administratorë të shoqërisë nga data 29.06.2020 deri me 28.06.2025 janë z.Mem SENA dhe z. Giovanni MINUTIELLO

Neni 9


ASAMBLEJA E ORTAKËVE

Mbledhjet e asamblesë së ortakëve do të zhvillohen në qendrën e shoqërisë ose në vende të tjera, në bazë të vendimit të Administratorëve ose nga vetë ortakët siç është parashikuar në keëtë statut.

Asambleja mblidhet të paktën një herë në vit, brenda 6 muajve nga mbyllja e aktivitetit vjetor, për aprosimin e bilancit financiar.

Në çdo moment mund të zhvillohen mbledhje të jashtëzakonshme të Asamblesë , për të vendosur për detyra që janë në kopetencën e saj.

Asambleja mblidhet me kërkesën e administratorëve ose me kërkesën e ortakëve që kanë mbi 5 % votave në asamble.



Secili ortak duhet të marri me shkrim 15 ditë përpara datës së mbledhjes së Asamblesë njoftim për mbledhjen e saj. Njoftimi duhet të dërgohet me letër rekomande, e-mail, telegrame ose fax. Njoftimi duhet të përcaktojë vendin, datën, orën e mbledhjes si dhe rendin e ditës.

Njeri ose më shumë ortak që përfaqësojnë të paktën 5 % e kapitalit shoqëror mundet të kërkojnë të shtohen në rendin e ditës edhe çështje të tjera. Në rast se janë prezent të gjithë ortakët, janë të vlefshme edhe problemet që nuk janë parashikuar në rendin e ditës.

NENI 10

E drejta për të marrë pjesë në mbledhjet e Asamblesë është e kushtëzuar me rregjistrimin në rregjistrin e kuotave të shoqërisë. Sejcili ortak ka aq vota sa janë kuotat që ai përfaqëson. Asnjë ortak nuk ka të drejtë të votojë me një pjesë të kuotave për një vendim të kundërt me të parin.

Ortakët kanë të drejtë të përfaqësohen nga ortakë të tjera ose të tretë.

NENI 11

Quhen të aprovuar ato vendime që janë marrë nga ortakët që zotërojnë më shumë se 50% të kapitalit të shoqërisë.

Në rastet kur nuk arrihet më shumë se gjysma e votave, ortakët detyrohen për të votuar për herë të dytë dhe në këtë rast, vendimi quhet i aprovuar në rast se voton shumica e ortakëve, pamvarësisht nga pjesëmarrja në kapitalin shoqëror.

NENI 12

Ndryshimet dhe modifikimet e këtij statuti bëhen me miratimin e ortakëve që përfaqësojnë jo më pak se dy të tretat e kapitalit shoqëror.

Konsiderohen të vlefshme vendimet që merren jashtë mbledhjes së Asamblesë por që janë të nënshkruara dhe të pranuara nga të gjithë ortakët.

NENI 13

Për sa parashikohet në ligjin shqiptar dhe në këtë statut, duke përjashtuar kompetencat që ka Asambleja e Ortakëve, aktiviteti dhe veprimtaria e shoqërisë si dhe të gjitha të drejtat shoqërore do të jenë në kompetencë të Administratorit ose Administratorëve të shoqërisë.

Administratori/ët do të emërohen nga Asambleja e ortakëve për një periudhë pesë vjecare dhe janë të riemerueshëm. Çdo Administrator do të

qëndroje në detyrë deri në përfundim të mandatit dhe deri sa nuk është zëvëndësuar nga një tjeter.

NENI 14

Në rast vdekje, dorëheqjeje, ose dënim i penal, mbetet bosh vendi i një ose më shumë administratorëve, Asambleja e ortakëve ka të drejtën e emërimit të zëvëndësuesve.

NENI 15

Sic kërkohet nga ligji shqiptar dhe ky statut, përjashtuar kompetencat e Asamblesë së Ortakëve, aktiviteti dhe veprimtaria e shoqërisë si dhe të gjitha kompetencat e tjera do të kryhen nga Administratori/ët të cilët gjithashtu përfaqësojnë shoqërinë në marrëdhënien me të tretët dhe do të përpilojnë të gjitha aktet qe lidhen me realizimin dhe qëllimin social të shoqërisë. Ne veçanti Administratori/ët kanë këto kompetenca :

a) përfaqëson shoqërinë në marrëdhënien me çdo person ose entjuridik shqiptar apo të huaj, në marrëdhënien me shtetin dhe çdo organizëm tjetër politik, ushtarak ose civil shqiptar apo të huaj, në marrëdhëniet me bankat, autoritetet gjyqësore të çfarëdo niveli, civil, penal ose administrativ, emëron ose revokon me prokurë avokat ose përfaqësues të tjere.

b) Ka të drejtën e nënshkrimit të çfarëdo akti në emër të shoqërisë; nënshkruan kontrata të çfarëdo natyre në emër të shoqërisë; pranon garanci për çelje kredish, emërtim të garancive, nënshkruan tituj kreditimi në emër të shoqërisë, nënshkruan çeqe bankare ose qarkullues. Ka të drejtën të kryejë pagesa për të gjitha letrat me vlerë dhe çeqet qarkullues, të pranojë dhe të transferojë të gjitha llojet e dokumentave, të pranojë, mbylli dhe transferojë pollicat e sigurimit të çdo tipi, në interes të shoqërisë.

Kompetencat e sipershënuara i kalojnë njërit ose tjetrit administrator sipas vendimit të Asamblesë së Ortakëve e cila gjithashtu cakton edhe shpërblimin për Administratori/ët

NENI 16

Viti finanziar fillon me 01 Janar dhe mbylltet me 31 Dhjetor të çdo viti. Me mbylljen e viti finanziar, administratoret përgatisin një raport mbi bilancin dhe ja paraqesin Asamblesë së Ortakëve.

Fitimi neto, pas krijimit të rezervave ligjore dhe rezervave të tjera të përcaktuara në statut, do të ndahet ndërmjet ortakëve në formën dhe mënyrat



e përcaktuara nga Asambleja e ortakëve, në proporcion me kuotat në kapitalin social.

NENI 17

Shoqëria mund të prishet në afatin e përcaktuar në kontratë, përveç rastit kur Asambleja e Ortakëve vendos për zgjatjen e këtij afati.

Prishja e shoqërisë para afatit të përcaktuar mund të bëhet kur:

- a. bëhet i pamundur realizimi i objektit të saj
- b. bëhet i pamundur funksionimi i asamblesë së ortakëve
- c. Në rastet e përcaktuara në nenin 99 të ligjit 9901, të vitit 14.4.2008
- d. Në raste të tjera të parashikuara nga legjislacioni shqiptar

Shoqëria mund të prishet në çdo moment kur vendos $\frac{3}{4}$ e Asamblesë së Ortakëve. Likujdimi kryhet në bazë të kërkesave të legjislacionit shqiptar.

NENI 18

Marrëdhëniet e punës, pagesat, taksat dhe sigurimet shoqërore, rregullohen sipas kërkesave të ligjit shqiptar.

NENI 19

Çka nuk ështe parashikuar në këtë dokument rregullohet sipas kërkesave të ligjit "Për Tregtarët dhe Shoqëritë tregtare" dhe në përgjithësi nga legjislacioni shqiptar.

Për zgjidhjen e mosmarrveshjeve caktohet Gjykata e Tiranës.

NENI 20

Statuti u përpilua në katër ekzemplarë në gjuhën shqipe, ku një kopje depozitohet në zyrën e Noterisë Durrës.

Durrës, më 29 qershori 2020

O R T A K È T

Alfons UKA Giovanni MINUTIELLO Mem SENA

